

希夷夢

上海古籍出版社

古本小說集成

《古本小說集成》編委會編

希夷夢
四

上海古籍出版社

希夷夢

第三十一卷

軍宿儒盈廷皓首

除痼疾遍野春風

却說西青只望着雙梧直走到得近處反不見桐杪
却係兩岸垂楊滿渠碧藻無渡無梁乃仍回舊路由
太道灣轉過了土橋見有牧童便問學究先生牧童
指道從下邊巷子進去穿中街左首出巷望見竹林
便是西青依着河邊進巷行出竹林但見花木叢陰

兩株梧桐獨冠羣樹滿空綠葉垂陰數畝土垣茅舍
皆在其下有五六童子於林內尋花鬪草見人行來
便齊到跟前作揖問道先生貴姓府上何方降臨做
地可係訪家業師西青還禮道不佞姓西從并峯嶺
來正是拜訪令業師童子拱道如此請西青道請童
子內有一人先走報信餘者俱隨在後轉過南垣已
見荆扉朝東門前平坦數株山茶紅白豔麗柳橋上
晾着魚筒車蓬邊繫着小艇只見報信的童子迎來
道午膳倘濃請先生且到館內坐坐西青應聲入門

却係三間殿軒內有十餘童子坐着抄書當中几上
隱着個白髮先生西書不使驚動諸童子全下位作
揖西書還禮看所抄的俱係墳典篆格妍勁可觀有
童子向外拾松枝折枯竹汲水煮茗片時奉上茶來
西書起身相接見甌上浮沫未消隨口道香浮蟹眼
童子應聲道翠折龜胸西書又道珠沁心脾消渴氣
童子應道芳潛肘腋起清風西書喜其敏捷大加褒
獎童子揖道學生斗胆求教西書還禮道願聞童子
道五色青紅黃白黑西書想道九宮東西南北中忽

見先生舉首道何事喧嘩童子趨近前道有客拜訪
坐候多時先生起身道何不早言西青向前施禮見
先生五緡蒼髯三停豐頰迎答道足下貴鄉尊姓台
字西青道學生姓西名青由并峯嶺往老人谷中途
忽遇水沙漲漫阻住難前回到鎮上聞先生學貫天
人無微不至冒昧造壇瞻仰仙姿且願問沙水之旨
先生道鄉人亂言足下勿信請問從并峯嶺來可知
抱一翁否西青正欲回答只見門外走進一人五短
身材面圓口方雪白長髯飄揚腦後呼道坐子濶別

多時今日天使趨候先生欣然迎道還不是天使只怕係地使耳那人大笑禮畢亦與西青見禮隨便坐下先生與那人道這位西先生由并峯嶺往老人谷亦如黃兄阻迴那人道并峯嶺地僻人稀未見有姓西者西青道請示高姓尊名先生道此吾友也昔居碧雲嶺之西北墨梅岡上後遷芟頭邑姓黃名雁西青打恭道抱一翁正使小子到芟頭奉候今不期而會于此可謂大幸黃雁問先生道抱一翁囑來相候可有書否先生道候兄非候弟也黃雁道奇了問西

青道西兄往老人谷可係候巫兄西青道巫先生莫
非名丕者黃雁道然西青大喜道正係候巫先生那
知設帳在此若非沙水漲漫到老人谷却係虛行抱
一翁有書現在寓中回去取來巫丕道兩年不上鎮
矣隨先生行黃雁道好全去就候西先生三人茶畢
出門童子已解纜舉棹上船坐定巫丕問抱一翁丰
采精神西青道偃僂善飲次問蓮華山樵西青道只
知養親無意澤民黃雁道兩岸並楊幾時不見便掃
頭拂面若此牽纏何若芙蓉笑臉相迎盈盈可愛巫

丕道可速運棹，早見抱一翁手教童子道港小岸逼，
不勝藻荇望紳，出口入溪便好盪也。半時出港舉起
雙棹，迅疾如飛，頃刻到鎮，入店見禮。西青令陳聘物
捧書在手道：原當到宅拜呈，今既幸會，請先晒收。後
看箋簡，丕道此聘禮也。足下爲誰爲此願聞其詳。
西青道輔公奉命出鎮，所取浮金土地山川，自恐年
輕有負，恩命敬求岩穴，以達民膜。訪得抱一翁橋梓，
弓旌踵聘，翁以年高不就。郎以養志堅辭，潔誠復往。
抱一翁時荐四位先生，輔公以命限難遲，只得前往。

弗克躬來謹具禮儀使青將命巫丕道翁太多事已
不出就罷了何必又道出人來黃雁道且看簡內云
何西青送過書巫丕與黃雁接着面上寫着布交承
之伯龍于岑赤湖四子展覽拆開看道

僕愧入山永深居處爲駱子所識返復邀延僕以
自古無百歲邁夫而入仕途者彼雖絕念于僕猶
注意于帶也觀公貌厚心明始終如一原可從遊
但帶素性夬烈當事不撓居則可以全軀出則必
致喪命非若足下四人之進退裕如也特以尺素

勸駕或勉一行可爲則展素蓄以仰體天地生民之心不合則卷琴書而相遂林泉適意之性去留任意諸子其不以僕言爲謬乎

二人看畢黃雁道如此何妨遊戲巫丕道伯龍于岑出吾亦出矣西青道敢懇修函小子帶往鷹巢敦請巫丕道我等修函係勸其出也大木率真小木怪僻不必修書只須將抱一翁此札示之足矣西青稱善令從人將禮同行送入書屋又向黃雁道抱一翁命往芟頭理應躡府黃雁道寒舍去此甚遙存巫兄處

可也。從人將禮放下，回碧雲鎮。巫丕擺出魯酒村餚。三人就席舉盞，談膳畢，已係下午。巫丕掐指道：此其時也。黃雁道：有甚麼事？巫丕道：紺珠島梨棗花英，能復瞽目。過時不採，落粘土氣力量，便輕山妻病目。前日就亥子時，脈據云：防瞽須以天印。島紫綬岡上葵花露，點之可免。我想往天印取之，費事仍係梨棗英爲便。黃雁道：沿路瓊花可觀，甚不寂寞。巫丕道：須待水退方可起程。西青別回碧雲鎮，使人訪問。次日路已可行，乃到館內通知巫丕。道仍須緩期。黃雁道：

猶有未了事。麻巫丕指衆童子道：「俱應管押庶免荒蕪，乃修書命館童推車往菜竹潭請華世姪權代館童領命。」入後取車藏書推去。黃雁捧過棋子，全巫丕圍棋。西青旁觀。由晝到放學時，仍未及半。全盤終時，天已亮矣。巫丕輸，有兩着。整兵再戰，各人窮思極策。黃昏方畢，巫丕仍輸兩着。止欲復布，童子自外進報道：「華老師伯到也。」巫丕黃雁俱出迎接。西青在旁見入來者，却係混沌筒子三人。揖過西青，步出爲禮。筒子定睛看道：「足下從何而來？」西青道：「自別後第三日。」

復且禮奉拜始知先生已于其日前動身無從延請
輔公悵悵而往并峯嶺抱一翁却禮不出虔告再四
乃命請巫先生黃先生二木先生是以此巫丕道
原來也係相識箇子道非相識也聞駱子言他係西
庶長令嗣官拜下大夫駱子悞荐弟相會于混施津
弟無脫身之計乃轉荐江帶巫丕道老兄荐帶帶又
引到弟等四人箇子道抱一之書不可違也所委館
事小兒現在收獲不克趨承弟可從命惟願西大夫
勿言在此西青道敬遵台命箇子乃喜轉向巫黃道

昨札言書致四人二木亦非夙意避世者何不同往
商之懷卷用行自在方寸更不必各拘形跡也黃巫
點頭當夜無話次早巫丕命館童將行李置好西青
令親隨取安車兩乘到來恭請乘坐同別篇子發軔
到鎮侍從車馬俱齊整在路口伺候進發向西而行
不走投鞭河山下流避白津過渡向南次日到元戈
塢黃雁問巫丕道可候過丈巫丕道我正忘之可由
右徑遠道暫停西青道命僕夫在此守待小子陪二
位老先生候客黃雁道此公古怪西子亦無妨子事

乃併車進塢行不多路見溪邊有柳橫卧枝拖對岸
根頭坐着老者垂綸西青道高哉此叟也黃雁看道
且住車夫停止三人步行巫丕從後呼道先生好消
遣那老者回顧見是巫黃置竿于榜柳隙中起身道
故交到舍無物佐酒是以求魚巫丕道有何嘉賓願
同把臂老者道俞廣特候過盛不知已去驪龍窟設
帳我聞之挽請到舍二公可先往晤巫丕乃令黃雁
西青行到埠頭過渡轉出桑坂入垂柳叢中只見兩
老者坐在草茵上巫丕招呼道俞兄杜兄何同會于

此兩老者起身道巫兄黃兄又何同至于此見西青
問道此非我輩中人互相作禮畢黃雁乃將緣由說
明西青問道二位老丈尊姓大名巫丕指微鬚長眉
者道此俞子名廣指班臉滿部鬚髯者道此杜子名
進黃雁問杜進道聞兄喬遷七里岫彼處山川若何
杜進道山川雖美人事却非巫丕道有何非處杜進
道農好雕琢女好繪組儒者不以道德爲懷而以爵
祿爲重巫丕道先何輕舉俞廣道去年全過彼處因
見家戶誦歌林壑層疊故勸遷之今欲與周子商量